



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1570-1/12
Sarajevo, 15.11.2012. godine

02-50-6

15-11-2012

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIJELIČENI: 16. 11. 2012			
Organizaciona jedinica	Kvalifikaciona oznaka	Redni broj	Broj prijave
02-50-6-16-20/12			

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 26. sjednici održanoj 12.11.2012. godine, utvrdilo je Odgovor na izaslaničko pitanje koje je postavila Nermina Kapetanović, izaslanica u Domu naroda Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja izaslanici.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1570-1/12
Sarajevo, 12.11.2012. godine

Nermina Kapetanović, delegat u Domu naroda Parlamentarne skupštine Bosne i Hercegovine, na 20. sjednici Doma naroda održanoj 25.7. 2012. godine, postavila je sljedeće delegatsko pitanje:

„ Kada će Vijeća ministara BiH dostaviti Parlamentarnoj skupštini BiH izvještaj o realizaciji zaključaka sa 62. sjednice Predstavničkog doma PSBiH, održane 14.10.2009. godine, a u vezi s provođenjem mjera i aktivnosti za rješavanje problema građana BiH koji su u R. Hrvatskoj bili zaposleni i nastanjeni, a u periodu od 1991. do 1995. godine otpušteni sa posla, a koja će održavati aktivnosti koje su iz svojih nadležnosti preuzeli Ministarstvo vanjskih poslova BiH, Ministarstvo civilnih poslova BiH i Ministarstvo za ljudska prava i izbjeglice BiH, sam dobila odgovor s kojim nisam zadovoljna.

Mislim u najmanju ruku da je ovako ozbiljno pitanje i na ovako ozbiljnu problematiku skandalozan odgovor ova tri ministarstva i predstavnika Vijeća ministara. Skandalozno je da Ministarstvo vanjskih poslova smatra dovoljno učinjenim činjenicu da je dalo samo 100.000 KM za rješavanje problematike ove vrlo, vrlo oštećene populacije građana BiH.

Napominjem one koji su mi poslali informaciju da ja njih nisam pitala za analizu međunarodnih pravnih izvora koji obavezuju BiH i Republiku Hrvatsku, nisam pitala o pitanjima sukcesije i naročito ih nisam pitala za Evropsku konvenciju za zaštitu ljudskih prava i osnovnih sloboda. Nisam ih pitala ni za plan mjera koje je potrebno preduzeti za rješavanje problema građana BiH koji su bili zaposleni u Republici Hrvatskoj u periodu 1991-1995., nego sam ih pitala šta su učinili po tom planu mjera? Oni u svom odgovoru nisu dali niti naznaku jedne riječi sem skandaloznog odgovora Ministarstva vanjskih poslova da su za tu vrlo oštećenu populaciju dali samo 100.000 KM.

Dakle, molim detaljan izvještaj o učinjenom i rezultatima svih aktivnosti koja su ova tri ministarstva, odnosno Vijeće ministara učinili vezano, za populaciju građana koji su u Republici Hrvatskoj bili zaposleni i nastanjeni, a u periodu 1991-1995. otpušteni sa posla. Želim da znam koje su sve aktivnosti učinjene iz nadležnosti Ministarstva vanjskih poslova, Ministarstva civilnih poslova i Ministarstva za ljudska prava i izbjeglice.“

Na postavljeno pitanje, Vijeće ministara Bosne i Hercegovine je na 26. sjednici održanoj 12. 11. 2012. godine, utvrdio sljedeći:

ODGOVOR

Ministarstvo za ljudska prava i izbjeglice u potpunosti ostaje kod odgovora na poslaničko pitanje koje je već dato poslanici Nermini Kapetanović, a koje je imenovana postavila na 15. sjednici Doma naroda Parlamentarne skupštine Bosne i Hercegovine, održanoj 15.5.2012. godine.

Napominjemo, da je Ministarstvo za ljudska prava i izbjeglice prema usvojenom Planu mjera za rješavanje građana BiH koji su bili zaposleni u Republici Hrvatskoj i otpušteni sa posla u periodu od 1991-1995. godine, a koji je Vijeće ministara BiH usvojilo na 75. sjednici održanoj 26.6.2009. godine, a Predstavnički dom Parlamenta Bosne i Hercegovine na 53. sjednici održanoj 13.5.2009. godine podržao, u potpunosti ispunilo svoje obaveze.

Prema naprijed navedenom Planu mjera, kako je predviđeno **drugom mjerom** Ministarstvo za ljudska prava i izbjeglice BiH, kao nosilac aktivnosti je bilo u obavezi da utvrdi međunarodne pravne izvore koji obavezuju obje države, a kojima su kršena prava građana BiH, kao osnova bh strani kod razgovora sa hrvatskom stranom, a prilikom rješavanja ove problematike, jer ukazuje da je bilo povreda osnovnih ljudskih prava građana Bosne i Hercegovine, prema navedenim međunarodnim dokumentima.

Ministarstvo za ljudska prava i izbjeglice BiH je u potpunosti i blagovremeno ispunilo svoju obavezu i pripremlilo navedenu analizu, koja je aktom ministarstva broj: 08-07-1634-3/09 od 8.9.2009. godine, dostavljena Vijeću ministara BiH- Generalnom sekretarijatu, Ministarstvu vanjskih poslova, Ministarstvu civilnih poslova i Ministarstvu pravde BiH.

Mišljenja smo da je u odnosu na složenost problema i mandat radne grupe koji je imala i koji je iscrpljen, potrebno tražiti nove modalitete rješenja ovog problema između BiH i R. Hrvatske.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1570/12
Sarajevo, 15.11.2012. godine

02-50-6

15-11-2012

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 16.11.2012			
Organizaciona jedinica	Klasifikaciona oznaka	Redni broj	Broj stranica
02-50-6-16-20/12			

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 26. sjednici održanoj 12.11.2012. godine, utvrdilo je Odgovor na izaslaničko pitanje koje je postavila Nermina Kapetanović, izaslanica u Domu naroda Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja izaslanici.

S poštovanjem,



GENERALNI TAJNIK ↗

Zvonimir Kutleša



**БОСНА И ХЕРЦЕГОВИНА
САВЈЕТ МИНИСТАРА**

Број: 05-50-1-1570/12
Сарајево, 12.11.2012. године

На 20. сједници Дома народа Парламентарне скупштине Босне и Херцеговине, одржаној 25.07.2012. године, посланица Нермина Капетановић је поново поставила питање Савјету министара Босне и Херцеговине како слиједи:

1. Кад ће Савјет министара БиХ доставити Парламентарној скупштини БиХ извјештај о реализацији закључака са 62. сједнице Представничког дома ПСБиХ, одржане 14.10.2009. године у вези са провођењем мјера и активности за рјешавање проблема грађана Босне и Херцеговине који су били запослени и настањени у Републици Хрватској, а у периоду од 1991. до 1995. године су отпуштени са посла, а која ће садржавати активности које су из својих надлежности предузели Министарство спољних послова БиХ, Министарство цивилних послова БиХ и Министарство за људска права и избјеглице БиХ?

На постављено питање Савјет министара Босне и Херцеговине, на 26. сједници одржаној 12. 11. 2012. године, утврдио је слиједећи:

ОДГОВОР

Министарство цивилних послова Босне и Херцеговине је носилац дијела активности на реализацији Плана мјера за рјешавање проблема грађана Босне и Херцеговине који су били запослени у Републици Хрватској и отпуштени са посла у периоду 1991-1995. године, који је Савјет министара Босне и Херцеговине усвојио на својој 78. сједници, одржаној 26.02.2009. године.

За потребе анализе стања како је предвиђено првом мјером поменутог плана, Агенција за рад и запошљавање Босне и Херцеговине је прикупила тражене податке, а на основу пријава грађана Босне и Херцеговине који су отпуштени са посла из Хрватске у поменутом периоду, те утврдила да се надлежним службама запошљавања на подручју Босне и Херцеговине укупно пријавило 13.636 таквих грађана и то: у Федерацији Босне и Херцеговине 3.961 лице, у Републици Српској 9.548 лица, у Брчко дистрикту Босне и Херцеговине 127 лица.

За покретање иницијативе према Републици Хрватској ради рјешавања питања грађана Босне и Херцеговине, који су били запослени у предузећима у Републици Хрватској и отпуштени са посла у периоду 1991-1995. године, а што је предвиђено трећом мјером Плана, задужено је Министарство спољних послова Босне и Херцеговине и Министарство цивилних послова Босне и Херцеговине. Планирано је да, уколико хрватска страна прихвати сарадњу по питању рјешавања овог проблема, Министарство цивилних послова Босне и Херцеговине у сарадњи са Министарством спољних послова припреми Преднацрт споразума између Савјета министара Босне и Херцеговине и Владе Републике Хрватске о рјешавању питања отпуштених радника из Босне и Херцеговине, као основ за преговоре са Републиком Хрватском ради закључивања оваквог споразума. Према пристиглим информацијама још увијек не постоји заинтересованост хрватске стране за рјешавање овог питања на овај начин.

У вези са четвртом мјером, а која се односи на укључивање међународне заједнице ради рјешавања поменутог проблема, Министарство цивилних послова Босне и Херцеговине је у два наврата, и то 09.04.2009. и 12.10.2009. године упутило допис Савјету Европе у Босни и Херцеговини, Делегацији Европске уније, Међународној организацији рада, Организацији за сигурност и сарадњу у Европи и Савјету за регионалну сарадњу као и Информацију у вези са отпуштеним радницима из Републике Хрватске у периоду 1991-1995. године са подацима о укупном броју грађана Босне и Херцеговине који су отпуштени са посла. С обзиром да је овај проблем окарактерисан као регионални проблем, исти су упознати са потребом успостављања сарадње ради евентуалног учешћа у рјешавању проблема. Одговор на овај допис до данас нисмо за примили ни од једне наведене организације.

У погледу реализације пете мјере Министарство цивилних послова Босне и Херцеговине је надлежним институцијама Босне и Херцеговине, ентитета и Брчко дистрикта Босне и Херцеговине, а у сврху провођења активности предвиђених овом мјером, доставило податке о укупном броју пријављених грађана Босне и Херцеговине отпуштених са посла у Републици Хрватској.

Подсјећамо да је у складу са закључком са 53. сједнице Представничког дома Парламентарне скупштине Босне и Херцеговине, одржане 13. маја 2009. године, и закључком са 68. сједнице Представничког дома Парламентарне скупштине Босне и Херцеговине, од 30.12.2009. године, Савјет министара Босне и Херцеговине је на својој 131. сједници одржаној 26.08.2010. године донио „Одлуку о одобравању средстава из буџетске резерве Буџета институција Босне и Херцеговине и међународних обавеза Босне и Херцеговине за 2010. годину за рјешавање проблема радника који су у Републици Хрватској остали без посла у периоду од 1991. до 1995. године“ („Службени гласник БиХ“, број 79/10) у укупном износу од 200.000,00 (двје стотине хиљада) КМ.

На приједлог Министарства цивилних послова Босне и Херцеговине, Савјет министара Босне и Херцеговине је на 168. сједници одржаној 7.12.2011. године размотрио и усвојио Информацију у вези са реализацијом Одлуке о одобравању средстава из буџетске резерве Буџета институција Босне и Херцеговине и међународних обавеза Босне и Херцеговине за 2010. годину за рјешавање проблема радника који су у Републици Хрватској остали без посла у периоду од 1991. до 1995. године, са предложеним закључком.

Савјет министара Босне и Херцеговине је на својој 3. сједници, одржаној 07.03.2012. године усвојио документ *Акциони план за превазилажење последица приступања Републике Хрватске Европској унији*, те задужио надлежна министарства и друга тијела управе на државном и ентитетском нивоу да сарађују с Дирекцијом за европске интеграције Босне и Херцеговине и достављају информације о провођењу активности садржаних у документу *Акциони план за превазилажење последица приступања Републике Хрватске Европској унији*. Министарство цивилних послова Босне и Херцеговине у прилогу за израду Акционог плана, између осталих предложило и *покретање поступка ради рјешавања радно-правног и социјалног статуса радника из Босне и Херцеговине запослених у Хрватској, који су у периоду 1991-1995. године отпуштени са посла, именовате представника Савјета министара Босне и Херцеговине који ће ступити у контакт и договорити разговор са представницима Владе Републике Хрватске, те по потреби приступити изради Преднацрта споразума између Савјета министара Босне и Херцеговине и Владе Хрватске о рјешавању спорних питања отпуштених радника из Босне и Херцеговине.*

У циљу реализације поменутих активности израђена је Информација која ће бити упућена на усвајање Савјету министара Босне и Херцеговине, а чији се закључци односе на именоване делегације састављене од представника Савјета министара Босне и Херцеговине, који ће учествовати на припремним преговорима на експертном нивоу са представницима Владе Републике Хрватске ради рјешавања радно-правног и социјалног статуса држављана Босне и Херцеговине који су били запослени у Хрватској, а који су у периоду 1991-1995. године отпуштени са посла.

Такође, Министарство цивилних послова Босне и Херцеговине је више пута упућивало иницијативу према надлежним институцијама у Републици Хрватској ради закључивања Споразума између Савјета министара Босне и Херцеговине и Владе Републике Хрватске о запошљавању

босанскохерцеговачких радника у Републици Хрватској, те у ту сврху упутило Нацрт споразума на разматрање хрватској страни. Министарство рада и мировинскога састава Републике Хрватске је 19.07.2012. године у одговору на ову иницијативу изразило спремност за разговоре ради закључивања предметног споразума, а накнадно ће нам предложити термин почетка преговора.

У оквиру Акционог плана за реализацију кампање информисања босанскохерцеговачке јавности о ефектима приступања Републике Хрватске Европској унији на Босну и Херцеговину, Сектор за рад, запошљавање, социјалну заштиту и пензије, Министарства цивилних послова Босне и Херцеговине је узео активно учешће и планирао одређене активности са циљем дефинисања циљева и порука које ће се пласирати босанскохерцеговачкој јавности, а које произилазе из ове области.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2304/12
Sarajevo, 15.11.2012. godine

02-50-6

15-11-2012

ly

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 16. 11. 2012			
Organizacione jedinice	Klasifikacioni oznaka	Redni broj	Broj prijema
02-50-6-16-20/12			

PARLAMENTARNA SKUPŠTINA BiH

- Dom naroda -


SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 26. sjednici održanoj 12.11.2012. godine, utvrdilo je Odgovor na izaslaničko pitanje koje je postavila Nermina Kapetanović, izaslanica u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslanici.

S poštovanjem,



GENERALNI TAJNIK 4

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2304/12
Sarajevo, 12.11.2012. godine

Nermina Kapetanović, delegatkinja u Domu naroda Parlamentarne skupštine Bosne i Hercegovine, na 20. sjedinici Doma naroda održanoj 25. jula 2012. godine, postavila je sljedeće delegatsko pitanje:

1. Kada će Vijeće ministara Bosne i Hercegovine uputiti u parlamentarnu proceduru Prijedlog zakona o žrtvama torture i civilnim žrtvama rata Bosne i Hercegovine?

Na postavljeno pitanje, Vijeće ministara Bosne i Hercegovine je na 26. sjedinici održanoj 12. 11. 2012. godine, utvrdilo sljedeći

ODGOVOR

Ministarstvo za ljudska prava i izbjeglice BiH je još 2005. godine, nakon razmatranja Prvog incijalnog izvještaja o provedbi Konvencije Ujedinjenih naroda protiv torture i drugih nehumanih i degradirajućih tretmana i kažnjavanja od strane Komiteta, na osnovu mišljenja Komiteta (CAT/C/BiH/CO/1 od 15.12. 2005. godine), iniciralo formiranja radne skupine s predstavnicima vladinog i nevladinog sektora radi sačinjavanja zakonskog okvira kojim bi se riješilo pitanje žrtava torture i civilnih žrtava rata u Bosni i Hercegovini. Tako je u 2006. godini sačinjen zakon o žrtvama torture i civilnim žrtvama rata u BiH koji nije dobio potrebnu potporu i nije upućen u parlamentarnu proceduru. Nakon toga je 2008. godine sačinjen novi tekst zakona o žrtvama torture i civilnim žrtvama rata koji je u formi prijedloga proslijeđen mjerodavnim institucijama na mišljenje. Prijedlog zakona o zaštiti žrtava torture i civilnih žrtava rata u BiH iz 2008. godine, također je dobio negativno mišljenje entiteskih vlada i resornih ministarstava na nivou entiteta i BiH.

Vlada Republike Srpske je nakon razmatranja informacije o Prijedlogu zakona o zaštiti žrtava torture i civilnih žrtava rata u BiH, na 197. sjednici održanoj 11. 11. 2010. godine, donijela zaključak da nije saglasna s Prijedlogom zakona o zaštiti žrtava torture i civilnih žrtava rata u BiH i dala mišljenje da se status žrtava torture može riješiti donošenjem okvirnog zakona na nivou BiH, ukoliko Vlada bude saglasna s tekstom prijedloga zakona, ili kroz odgovarajuće izmjene i dopune Zakona o zaštiti civilnih žrtava rata Republike Srpske.

Vlada Federacije BiH također je u dostavljenom mišljenju naglasila da su postojećim Zakonom o osnovama socijalne zaštite, zaštite civilnih žrtava rata i zaštite porodica s djecom na zadovoljavajući način osigurana prava i visina novčanih naknada civilnim žrtvama rata i članovima njihovih porodica, žrtvama torture i porodicama nestalih osoba u FBiH i negativno se izjasnila o Prijedlogu zakona o zaštiti žrtava torture i civilnih žrtava rata u BiH, uz sugestiju da treba nastaviti postupak utvrđivanja

zajedničkog i prihvatljivog prijedloga ovog zakona između mjerodavnih entitetskih ministarstava i tijela Brčko distrikta BiH uz koordinaciju Ministarstva za ljudska prava i izbjeglice BiH.

Ministarstvo za ljudska prava i izbjeglice BiH je u sklopu programskog zadatka za 2011. godinu ponovno pokrenulo aktivnosti na izradi zakonskog okvira kojim bi se osigurala zaštita prava žrtava torture i civilnih žrtava rata u Bosni i Hercegovini. Formirana je nova radna skupina za izradu zakona i održani sastanci s predstavnicima vladinog i nevladinog sektora. Na sastancima interresorne radne skupine zaključeno je da bi novi zakon trebao nositi naziv zakon o žrtvama torture u BiH kojim bi na sveobuhvatan način trebalo biti riješeno pitanje žrtava torture u BiH.

Slijedom navednih aktivnosti održan je i sastanak predstavnika Ministarstva za ljudska prava i izbjeglice BiH s predstavnicima Udruženja građana „Vive žene“ Tuzla s kojim Ministarstvo ima potpisan Memorandum o saradnji i koje provodi dvogodišnji projekt pod nazivom „Zajedno protiv torture u BiH-Mreža“. Mrežu čini određeni broj nevladinih udruženja s tendencijom uključivanja u mrežu i svih ostalih nevladinih udruženja koja egzistiraju u Bosni i Hercegovini i bave se pružanjem potpore žrtvama torture u smislu prepoznavanja, priznavanja, promocije i zaštite prava ove populacije. Projekt „Zajedno protiv torture u BiH-Mreža“ finansira Evropska unija, a u okviru kojeg se provode aktivnosti na izradi zakonskog okvira kojim bi se regulirao status žrtava torture.

Na održanom sastanku usvojen je zaključak da se Vijeće ministara BiH, entiteske vlade i Vlada Brčko distrikta BiH upoznaju o svim do sada poduzetim aktivnostima na izradi zakona o žrtvama torture u BiH i zatraži mišljenje o načinu na koji bi se predmetni problem mogao riješiti.

S obzirom da je u ranijim mišljenjima entiteskih vlada naglašeno da se izradi ovoga zakona ne može pristupiti bez njihove saglasnosti i da uloga Ministarstva za ljudska prava i izbjeglice BiH u ovome postupku može biti samo koordinirajuća, Ministarstvo je sačinilo sveobuhvatnu informaciju o aktivnostima na izradi pravnog okvira za reguliranje statusa žrtava torture i civilnih žrtava rata u Bosni i Hercegovini, informiralo vlade entiteta i Brčko distrikta BiH i od njih zatražilo mišljenje o načinu na koji bi se predmetni problem mogao riješiti.

Predmetna informacija je upućena entiteskim vladama i Vladi Brčko distrikta BiH, dana 14. 5. 2012. godine, i do sada smo dobili samo mišljenje Vlade Brčko distrikta BiH.

Naredna radnja koju će ovo Ministarstvo poduzeti je upućivanje urgencije entiteskim vladama radi dostavljanja traženog mišljenja.



URED ZA REVIZIJU INSTITUCIJA BiH
КАНЦЕЛАРИЈА ЗА РЕВИЗИЈУ ИНСТИТУЦИЈА БиХ
AUDIT OFFICE OF THE INSTITUTIONS OF BOSNIA AND HERZEGOVINA



H.Čemerlića 2, 71000 Sarajevo, Tel: ++ 387 (0) 33 70 35 73, Fax: 70 35 65 - www.revizija.gov.ba, e-mail: sdibih@bih.net.ba

Broj: 01-05-50-693-1/12
Datum: 27.05.12.

PRIMLJENO: 27.09.2012			
Organizaciona jedinica	Klasifikaciona oznaka	Redni broj	Broj priloga
02-50-6-16-20/12			

Bosna i Hercegovina
PARLAMENTARNA SKUPŠTINA BOSNE I HERCEGOVINE
Dom naroda

PREDMET: Odgovor na izaslaničko pitanje - Nermina Kapetanović.

Cijenjeni,

Na dvadesetoj sjednici Doma naroda Parlamentarne skupštine BiH, održanoj 25.7.2012. zastupnica Nermina Kapetanović postavila je izaslanička pitanja na koja dajemo odgovor.

1. Koja je nacionalna struktura svih uposlenih u Uredu za reviziju institucija BiH?

Nacionalni sastav rukovodstva Ureda kojeg imenuje Parlamentarna skupština BiH propisan je člankom 24., stavak (6) Zakona o reviziji institucija BiH (Službeni glasnik BiH 12/06).

Pored glavnog revizora i zamjenika glavnog revizora, u Uredu je sa 1.8.2012. zaposleno 46 osoba od čega:

1. Bošnjaka 20 ili 43,5%
2. Srba 15 ili 32,6%
3. Hrvata 11 ili 23,9%

2. Je li tačno da su četiri revizorska tima svedena na tri tima?

Ured za reviziju institucija BiH poslove revizije obavlja u okviru finansijske i revizije učinka. Pitanje ustrojstva definirano je Pravilnikom o unutarnjem ustrojstvu Ureda za reviziju. Sukladno navedenom Pravilniku finansijska revizija se obavlja u okviru 2 odjela za finansijsku reviziju u okviru koje šest revizorskih timova obavljaju ovu vrstu revizije.

U okviru zasebnog Odjela za reviziju učinka, revizija učinka trenutno se vrši kroz tri revizorska tima, što je najveći broj revizorskih timova u reviziji učinka dosad.

Broj timova u Uredu se prilagođava potrebama odnosno broju revizija koja je planirana godišnjim planom revizije te je u toku revizijske godine ovaj broj de facto veći.

3. Molim imena vođa revizorskih timova, ime šefa odjela za finansijsku reviziju i šefa odjela za međunarodnu suradnju.

Rukovoditelji odjela za finansijsku i reviziju učinka su: Miro Galić, Munevera Baftić i Fadila Ibrahimović.

Voditelji timova za finansijsku i reviziju učinka u reviziji za 2011. bili su: Nataša Avdalović, Danijel Jozić, Nedžad Hajtić, Snježana Baštinac, Vlado Malbašić i Mirsada Sijamić, Nermin Hamzagić, Nataša Timotija, Jelena Andrić, Hrvoje Tvrtković, Danijel Čolo, Mirela Bošnjak.

Ured za reviziju nema odjel za međunarodne odnose već Odsjek za međunarodnu suradnju i odnose s javnošću, kao organizacijsku jedinicu niže razine, a šef Odsjeka je mr.sc. Ivona Krištić.

4. Je li ispoštovan Zakon o reviziji institucija koji kaže da struktura uposlenih u Uredu za reviziju treba odražavati nacionalnu strukturu stanovništva BiH?

Pitanje ne odražava sadržaj Zakona o reviziji u ovom smislu koji u članku 28. stavak (4) propisuje 'da će struktura uposlenih u Uredu za reviziju okvirno odražavati nacionalnu strukturu stanovništva BiH prema posljednjem popisu'.

Kako Ured stoji na stanovištu da prilikom upošljavanja dominantno načelo treba biti sposobnost i stručnost, a ne podobnost, cijenimo da smo, imajući u vidu zastupanje ovoga načela ispunili odredbe ovoga članka Zakona o okvirnom odražavanju nacionalne strukture uposlenih u Uredu prema posljednjem popisu.

Napominjemo kako Ured za reviziju od kandidata i uposlenih ne zahtijeva izjašnjenje o nacionalnoj ili vjerskoj pripadnosti.

S poštovanjem,

